



Mirjam Hartmann, la campionesa svizra cun ses bab Kasper Hartmann.



Gratulaziun per Elmar Falett (san.) er da Marcel Suter, il president dals tiradurs grischuns.

FOTOS G. N. STGIER

Medaglias gist en seria per il Grischun

Tir: Campiunadi svizzer a Thun

DA GION NUTEGN STGIER / ANR

■ **Duas giadas aur, trais giadas argient ed ina medaglia da bronz, quai è la bilantscha positiva da las tiraduras e dals tiradurs grischuns tar la concorrenza naziunala. Sin la distanza da 300 meters, en il matsch da duas posiziuns cun l'arma militarai hai schizunt dà ina victoria dubla per l'equipa da noss chantun.** La stagiun da tir 2014 va plaunsieu en la fasa finala. Cun il campiadadi svizzer a Thun ha gi lieu l'emna passada la culminaziun da la stagiun da tir. Tar quella concorrenza nua che l'elita naziunala da tir è s'inscuntrada han tiraduras e tiradurs da la Federaziun grischuna dal sport da tir persvas e quai las dunnas sco er ils umens. In fatg plaschavel è lura er che la garda giuvna da tir da noss chantun ha procurà per resultats

excellents. Cun la pistola ha *Sofie Lehmann* da Cuira gudagnà la medaglia dad aur sin la distanza da 25 meters. Ultra da quai ha la tiradura giuvna cun il 5avel post manchentà per pauc da far la medaglia da bonz sin la distanza da 10 meters. Tar ils juniors ha lura *Domenic Suter* da Cuira fatg la medaglia da bronz e quai cun la pistola da sport sin la distanza da 25 meters. Vicecampiun svizzer è daventà *Elmar Falett* da Müstair, da preschent il meglier tiradur da pistola dal Grischun. Sajettà precis e bain ha el en la concorrenza da 50 meters e cun 575 puncts be fatg in punct pli pauc ch'il victur *Steve Demierre* dal chantun Geneva.

Otto Morell: pli vegl e pli ferm

Success han dentant er gi las tiraduras ed ils tiradurs grischuns sin la distanza da



Success er per Otto Morell cun daventar vicecampiun svizzer cun l'arma 90.

300 meters. En la concorrenza da duas posiziuns (giaschend ed en schanuglias) cun l'arma 90 ha *Mirjam Hartmann* da Seewis-Schmitten gudagnà la medaglia dad aur ed è davantada campionesa svizra. Per la regina da tir da la Festa da tir chantunala dal Grischun il 2012 in ulteriuor success en sia carriera. La dunna da 25 onns ha fatg 550 puncts e medemblers ha lura er sajettà *Otto Morell* da Samedan. Il tiradur engiadinais ha uschia gudagnà la medaglia d'argient ed è daventà vicecampiun svizzer. Il tiradur da vaglia vegn bain pli vegl, dentant er pli ferm. Ina ulteriura medaglia d'argient han ils tiradurs grischuns anc fatg cun *Georg Maurer* da Favugn. Gia avant in onn era el daventà segund en quella concorrenza, duas pusiziuns (giaschend ed en schanuglias) cun l'arma da sport.